

**86. SJEDNICA**  
**IZVRŠNOG ODBORA BOŠNJAČKOG NACIONALNOG VIJEĆA**  
**Novi Pazar, Glavni ured Vijeća, 17.03.2012.godine; 11:00h**

**IZVOD IZ ZAPISNIKA**

**PRISUTNI:** Esad Džudžević, Muratka Fetahović, Mustafa Baltić, Redžep Škrijelj i Admir Mušović

**OPRAVDANO ODSUTNI:** Ahmedin Škrijelj, Muhedin Fijuljanin, Ervin Čatović i Mevluda Melajac.

**PREDSJEDAVALAJUĆI:** Esad Džudžević, predsjednik Izvršnog odbora

Prije prelaska na dnevni red Izvršni odbor jednoglasno je usvojio zapisnik sa 85. redovne sjednice Izvršnog odbora i dopunio

**2. tačku dnevnog reda:** - Zadužuje se Mustafa Baltić da do 21.marta 2012.god. uradi Kalendar svih dešavanja u 2012.godini do 20.novembra – Dana Sandžaka i logo za „Godinu bošnjačkog kulturnog nasljeđa u Srbiji“, da bi 22. marta 2012.god. u četvrtak organizovali konferenciju za novinare u Beogradu sa videoprezentacijom Kalendara.

Nakon usvajanja zapisnika, jednoglasno je usvojen sljedeći

**DNEVNI RED:**

1. Akcioni plan implementacije Bošnjačke Rezolucije;
2. Utvrđivanje plana i programa rada Izvršnog odbora Vijeća za 2012.godinu;
3. Utvrđivanje protokola zajedničkog sastanka BNV u Srbiji, Bošnjačkog savjeta Crne Gore i VKBI Bosne i Hercegovine;
4. Zahtjevi pravnih i fizičkih lica;
5. Razno.

**Prva tačka dnevnog reda:** Akcioni plan implementacije Bošnjačke Rezolucije;

Predsjedavajući je obrazložio sve tačke dnevnog reda i otvorio diskusiju po svim tačkama, u diskusiji su učestvovali Esad Džudžević, Muratka Fetahović, Redžep Škrijelj, Admir Mušović i Mustafa Baltić.

- Zadužuje se Muhedin Fijuljanin, šef resora za informisanje da sačini Akcioni plan implementacije Bošnjačke Rezolucije i uvrsti sve dosadašnje zaključke po ovoj tački, do 23.marta 2012.godine.

**Druga tačka dnevnog reda:** Utvrđivanje plana i programa rada Izvršnog odbora Vijeća za 2012.godinu;

Obzirom da Redžep Škrijelj nije dostavio plan i program rada Resora za obrazovanje na bosanskom jeziku, obavezan je da do ponedjeljka, 19.marta 2012.godine isti dostavi Almi Husić, šefu Glavnog ureda, kako bi ona kompletirala sve dospjele planove i programe drugih resora u jedan jedinstveni Plan i program rada Izvršnog odbora za 2012.godinu u dogovoru sa predsjednikom Vijeća.

- Zadužuju se Redžep Škrijelj, šef Resora za obrazovanje i Muratka Fetahović, predsjednica Odbora za obrazovanje da urade tekst peticije koja bi u svim sandžačkim opštinama gdje je bosanski jezik u službenoj upotrebi trebalo da se organizuje, da predlože ekipe za svaku opštinu i da odrede kad da startuju sa potpisivanjem peticije;

**Treća tačka dnevnog reda:** Utvrđivanje protokola zajedničkog sastanka BNV u Srbiji, Bošnjačkog savjeta Crne Gore i VKBI Bosne i Hercegovine

- Da Samer Jusović sačini zajedničku izjavu koju bi potpisali svi učesnici zajedničkog sastanka;
- Potrebno je da se poruče tri plavo-teget fascikle u kojima bi se potpisivala zajednička izjava;

**Četvrta tačka dnevnog reda:** Zahtjevi pravnih i fizičkih lica;

- Na zahtjev Udruženja odbeglih i raseljenih lica sa KiM „Opstanak“, Izvršni odbor je donio zaključak da delegaciju Udruženja primi Muratka Fetahović u utorak, 20.marta 2012.godine i precizira njihove potrebe;
- Na zahtjev Sandžačkog intelektualnog kruga, Izvršni odbor je donio zaključak da podrži održavanje naučnog skupa u skladu sa svojim mogućnostima a tek nakon dostavljanja finansijske konstrukcije projekta.

**Peta tačka dnevnog reda:** Razno.

- Zadužuje se Redžep Škrijelj da do 22.marta 2012.godine (četvrtka) dostavi šefu Glavnog ureda skicu i scenario naučnog skupa u organizaciji BNV-a, na temu: „Stoljeće Sandžaka u Srbiji i Crnoj Gori (1912-2012)“, da predloži ljude za Organizacioni odbor skupa i da predloži od 30 – 40 učesnika, naučna imana sa teritorija Turske, Bosne i Srbije;

\*Zaključak je da simpozijum treba da održimo sredinom mjeseca oktobra tekuće godine.

Sjednica je završena u 14:00h

U Novom Pazaru, 19.03.2012. godine

PREDSJEDAVAJUĆI  
Esad Džudžević, predsjednik Vijeća